

Biblia Huzalisha Maisha Mapya

Kwa kuwa mmezaliwa mara ya pili... kwa neno la Mungu lenye uzima, lidumulo hata milele—**1 Petro 1:23**.

Mapenzi ya Mungu yamefunuliwa katika Biblia. Kweli za Neno la Mungu ni matamko ya Mungu. Yeye ayafanyaye maneno haya ya ukweli kuwa sehemu ya maisha yake anakuwa kiumbe kipya kikamilifu. Maneno, “Nami nitawapa ninyi moyo mpya,” yanamaanisha, “nitawapa akili mpya.” Badiliko la moyo daima linafuatiwa na uelewa wazi wa wajibu wa Mkristo—kuuelewa ukweli. Yeye ambaye anayapatia Maandiko umakini wa karibu kwa maombi mengi atapata ufahamu wazi na kuwa na maamuzi mazuri, kana kwamba katika kumgeukia Mungu alikuwa amefikia kiwango cha juu sana cha akili.

Biblia ina kanuni ambazo ziko kwenye msingi wa ukuu wote wa kweli, ustawi wote wa kweli, iwe kwa mtu binafsi au kwa taifa. Taifa ambalo linatoa nafasi wazi kwa ajili ya kuenezwa kwa Maandiko hufungua njia kwa akili za watu wake kukua na kupanuka. Usomaji wa Maandiko husababisha nuru kung’aa gizani. Uchunguzi wa Neno la Mungu, hutoa kweli zitiazoo uzima. Katika maisha ya wale wanaotii mafundisho yake kutakuwa na mkondo wa furaha ambao utawabariki wote wanaokutana nao.

Maelfu wameteka maji kutoka kwenye kisima hiki cha uzima na bado hakuna kupungua kwake. Maelfu wamemtanguliza Bwana mbele yao, na kwa kumtazama wamebadilishwa na kufanana Naye. Mioyo yao huamshwa ndani yao wanapozungumza juu ya tabia Yake, wakisema kile Yesu alichokwao na vile walivyo kwa Kristo.... Maelfu zaidi wanaweza kujihusisha katika kazi ya uchunguzi wa siri za wokovu.... Kila uchunguzi mpya utafunua kitu fulani kinachovutia zaidi kuliko ambavyo kimewahi kufunuliwa.